

Tandem absoluta Synodo, et ab Imperatore publico edicto sancta, Dioscorus in pœnam relegatus Gangram Paphlagonia. Aegyptus tamen, Aethiopia, Alexandria Diocoro etiam deposito servabant fidem. Ac Alexandria quidem divisa, nequidem, mortuo Diocoro, ad pacem rediit.

§. V.

Turbæ post Concilium Chalcedonense, et Henoticon Zenonis.

193. Primos tumultus concitabant Monachi tum *Alexandrini*, tum *Palaestini*, priores ex suo in Diocorum studio: posteriores eo stimulati a Theodosio monacho, Eutychis antiquo amico. Ambos vero tum Marcianus imperator, tum Pulcheria comprimere laborarunt.

At Marciano defuncto *Timotheus Aelurus* totam commovet Aegyptum, et tractis ad suas partes Monachis miscebat omnia. Quibus commotus Leo Marcianni successor, pelli Alexandria Timotheum jubet, et Gangras relegari. Non minus Orientem turbabat *Petrus Cnapheus*, sive *Fullo*, sua fraude et perfidia; sed et hic, Leonis decreto, exilio damnatus, antequam in Oasim deportaretur, clam sibi fuga consuluit.

Leone defuncto, et Zenone imperante, Basiliscus tyrannidem invadit, et, cum Eutychianæ faveret haeresi, Timotheum Aelurum ab exilio revocat: qui illuc cum Petro Cnapheo venit, Acacio jam Constantinopolitanam sedem tenente. Basiliscus contra Chalcedonensem Synodum et S. LEONIS epistolam edictum promulgat, contradicente Acacio; at tumultu populari Basiliscus fugere cogitur; atque Zeno cum exercitu urbem intrans, interfectoque tyranno, solus rerum politur.

Zeno igitur rescissis Basilisci Actis, Acacio, qui Petro Cnapheo favebat, persuadente, ad conciliando cum Catholicis Eutychianos, quasi medium fidei formulam inter utrosque promulgavit. Quod edictum ἐνοτίχοι, conciliatorium, sive unitativum vocavit.

In hoc Nestorium et Eutychen damnat: de Diocoro tamen, de Concilio Chalcedonensi, de epistola S. LEONIS callide facet; ceterum 12. Cyrilli anathematismos approbat; ac universim, non aliud esse admittendum symbolum, quam Nicenum, in Conciliis Constantinopolitano I. et Ephesino ecumenico comprobatum. Etsi vero sileat de Chalcedonensi Synodo, illius tamen fidem eo edicto profitetur.

FELIX III. S. P. *Henoticum*, etsi non aperte damnaret economiae causa, ne irritaret Zenonem, sique graviora mala averteret; respuit tamen, et Legatos misit ad Zenonem, qui cum eo agerent. Sed hi primo in vincula conjecti, postea ab Acacio corrupti, fœde prævaricati sunt, ut etiam cum haereticis communicarent. Quare FELIX in Synodo Romæ coacta tam Legatos excommunicavit, quam ipsum Acacium: sic quoad rem et implicite simul damnans *Henoticum*, licet, economiae causa, istud aperte non damnaret. Sed Acacius id parvi pendens, in haereticorum communione persistit. Quo ex tempore Romana Sedes a Constantinopolitanæ Ecclesiae communione separata est, non nisi post annos 35. Justino Imperatore, et Hormisda Rom. Pont. redintegrata pace.

§. VI.

Eutychiana sectæ propagatio.

194. Capitalem magistri sui Eutychis de una Christi, post unionem, natura sententiam varios in sensu traxerunt Eutychiani. Ac quidem decem in sectas propterea divisi sunt. Quorum primo Alexandrini a *Petri Moggi* Patriarchæ sui communione divulsi, dicti sunt *Acephali*, teste LEONTIO L. de Sect. Act. 5. (Bibl. M. PP. t. 11. p. 512. C.) quod a capite, patriarcha suo, disjuncti, seorsim congregarentur. Recedendi a patriarcha Eutychianis Alexandrinis causa fuerat, quod Petrus Moggis a Zenone in sedem Alexandrinam restitutus, hujus *Henoticum* probasset, ac proinde nec damnasset Concilium Chalcedonense, uti, ut faceret, optabant.

Nomen hoc universis postea Eutychianis commune fuit. Dicti quoque sunt *Monophysitæ*, a natura una, quam dicebant in Christo, et *Aegyptii*; quod totam fere occuparent Aegyptum; et *Schematici*; quod non veram, sed in figura tantum Christi carnem agnoscerent. Mutationem alii in Verbo factam dicebant, quod *Verbum caro factum* diceretur. Huc refer *Theopaschitas*, de quibus in Proœmio.

Universa vero illorum factiones ad duo hodie capita referuntur; *Eutychianorum* simpliciter, qui germanam magistri sui haeresin profitentur; et *Acephalorum*, sive *Semi-Eutychianorum*, qui in quibusdam ab illo dissentient; singuli tamen se S. CYRILLI tueri conantur sententia, qua *unam dixit naturam incarnatam*.

ARTICULUS II.

DOGMA CATHOLICUM DE DUPERI VERA INTEGRAQUE NATURA, POST UNIONEM, IN CHRISTO CONTRA EUTYCHIANOS ET SEMI-EUTYCHIANOS OSTENDITUR.

195. Eutychen post unionem non nisi unam in Christo naturam agnivisse, certum est omnibus; ita enim ipse in Constantinopolitanâ Synodo interrogatus, candide profitebatur: *Confiteor, ex duabus naturis fuisse Dominum nostrum ante adunctionem; post unionem vero, unam naturam confiteor.* At non æque inter auctores convenit, quo sensu per unionem, unam in Christo naturam factam Eutyches intellexerit? an mixtione; an confusione; an conversione unius in alteram; an demum compositione, quo modo corpus et anima componunt hominem; singuli enim illi sensus a diversis scriptoribus et Patribus haeresiarchæ tribuuntur. At dissidii hujus causa inde repetenda est, quod tum Eutyches ipse, tum ejus discipuli in exponendo suo dogmate, varii et mutabiles, prout premebantur a Catholicis, nunc hoc, nunc istud edicerent. Certe de Eutyches FLAVIANUS id testatur epist. ad Leonem (Labb. t. 4. p. 14. A.): *neque sciens (Eutyches) quod dicit, neque de quibus affirmat.* At parum refert, quo sensu Eutyches suum dogma intellexerit, cum nullus subsistat ex singulis. Quare simpliciter

196. *Dico.* Natura divina et humana per Incarnationem Verbi, sive

unionem, non coaluerunt in unam; sed utraque post unionem inconfusa, impermixta, et integra permansit.

Conclusio est dogma fidei, definitum contra Eutychen in Synodo generali IV. Chalcedonensi; Constantinopolitana II. Ac jam ante a S. Leone S. P. in celeberrima epist. ad Flavianum, cui subscrivserunt omnes Chalcedonenses Patres, quæque ab his posita fuit in decreto fidei.

Prob. I. Ex SS. SCRIPTURIS dupli modo: 1. iis textibus, quibus natura duplex evidenter asseritur: 2. aliis, quibus Christo contraria, quæ uni naturæ convenire nequeunt, tribuuntur.

1º. Igitur S. Scriptura duas in Christo naturas evidenter adstruit. Ad Philipp. 2. v. 6. *Qui cum in forma Dei esset, non rapinam arbitratus est, esse se aequali Deo; sed semel ipsum exinanivit formam servi accipiens.* En duplex forma, sive natura Dei et servi inconfusa, impermixta, et distincta Christo tribuitur. Nec obstant hæc: *semel ipsum exinanivit;* non enim se exinanivit, conversione divinitatis in carnem; hoc enim impossibile est, cum Deus essentialiter immutabilis sit; sed assumptione humanitatis, *formam servi accipiens.*

Nec dicant Eutychiani: equidem exinanuisse se Deum sine divinitatis conversione in carnem; sed assumptione humanitatis; verum ita, ut haec a divinitate absorpta fuerit; sicque huic mixta perierit, veluti *gutta mellis aquis maris permixta;* ut eorum quidam fabulati olim, teste THEODORETO in Dialogo 2. (opp. t. 4. p. 77. B.)

Contra est: quod hoc Apostolo directe aduersetur, qui de forma servi visibili, sensibili loquitur; cum statim subdat: *et habitu inventus ut homo;* ergo haec forma servi assumpta non sic perierat instar guttae mellis oceani aquis mixtae, et evanescens. Deinde quomodo in natura absorpta pati, crucifigi potuisset?

Item 1. Joan. 1. v. 4. *Quod fuit ab initio, quod audivimus, quod vidimus oculis nostris, quod perspeximus, et manus nostra contrectauerunt de verbo vitae.* Eu rursum duplē in Christo naturam distinctam, primo divinam Verbi vitæ; deinde humanam, quæ visa oculis, contrectata manibus.

2º. S. Scriptura Christo contraria tribuit: quod sit minor Patre, et tamen idem cum Patre, Joan. 6. quod a nobis discedat; et tamen quod nobiscum maneat in æternum, Joan. 16. et similia plura. Vid. n. 167. Atqui hæc in una natura salvare non possunt. Quibus adde

3º. Ea Scripturæ loca, quæ duas in Christo voluntates, ac consequenter totidem naturas distingunt, velut Luc. 22. *Non mea voluntas, sed tua fiat.* Matth. 26. *Non sicut ego volo, sed sicut tu.* At Christus, qua Deus, voluntatem suam divinam imprimis non amiserat; hoc enim ei impossibile fuit: deinde voluntas Christi, qua Dei, eadem omnino erat cum voluntate Patris; ergo habebat adhuc aliam, qua homo; ergo et utramque naturam divinam et humanam. Inde tamen inferre non licet; ergo et duo essent in Christo volentes. Nam voluntas ad naturam, ut aliud constat, pertinet; sed volens ad personam, ut patet ex divinis; quia licet tres personæ sint, non nisi una tamen voluntas est.

197. *Prob. II.* Ex CONCILIIS. Nicænum discrete in Symbolo posuit: *Qui propter nos homines, et propter nostram salutem descendit de cœlis; et*

incarnatus est, et homo factus est. Idem repetit Constantinop. I. in symbolo; Ephesina œcuménica Synodus decret. de fide (Labb. t. 3. p. 690.), symbolum aliud, quam quod Niceæ fuerat editum, neque facere se professa est, et fieri deinceps vetuit; Chalcedoneus vero contrarium in Eutychē damnavit, ut dictum Art. priore. Sed et generales Synodi aliae, Concilium Chalcedonense insecuræ; Generalis V. Act. 4. et Collat. 8., Generalis VI. Act. 11. 13. 18., etc.

198. *Prob. III.* Ex SS. PATRIBUS, qui ante Eutychianismi tempora floruerunt, ex quibus sequentes delibamus.

1º. Ex Græcis Patribus: S. IGNATIUS M. in epist. ad Ephes. n. 7. et relatus ab ATHANASIO L. de Synod. pag. 709. n. 47. de Domino nostro Iesu Christo ita loquitur: *Unus medicus est, carnalis et spiritualis, factus et non factus: in homine Deus; in morte vita vera; et ex Maria, et ex Deo.* Post hunc CLEMENS ALEXANDRIN. Pædag. L. 1. c. 3. cœlestem pædagogum illuminat, prodessè mortalibus *tanquam hominem, et tanquam Deum, quippe peccata indulgentem, qua Deus est; ut autem est homo, pædagogi mōre ad non peccandum instituentem.* S. ATHANASIUS integris libris naturarum discrimen in Christo tenuit: ut in ep. ad Epictetum, quam adversus Apollinaris dogma, tunc primum vulgari cœptum, elucubravit, n. 2. ait: *Potuitne Christianis ab hominibus in dubium vocari, utrumnam Dominus noster ex Maria editus, substantia et natura Dei Filius sit; at secundum carnem, ex semine David et ex carne sanctæ Mariæ.* Ac L. 1. de Incarn. cont. Apollinar. n. 16.: *Dicendus erit Christus, perfectus Deus et perfectus homo: non quod divina perfectione in humanam perfectionem mutata sit, quod impium est dicere: nec etiam quod duas perfectiones a se invicem divisæ dicantur, quod a pietate alienum est: neque per incrementum virtutis, et accessione justitiae, absit; sed ratione existentiae inefficientis.* Ut utraq[ue] unus sint, omnino perfectus, idem Deus et homo.

2º. Ex Latinis Patribus: TERTULLIANUS L. adversus Præxeam cap. 27., ubi ad quæstionem illam, quomodo Sermo, sic Verbum vocat, *caro factus: utrumne quasi transfiguratus in carne, an indutus carnem?* sic respondet: *imo indutus. Cæterum Deum immutabilem et informabilem credi necesse est, ut eternum. Transfiguratio autem interemptio est pristini.* Omne enim quodcumque transfiguratur in aliud, desinit esse quod fuerat, et incipit esse quod non erat. Deus autem neque desinit esse; neque aliud potest esse. En quam scite omnem alterationem excludat. At L. de carne Christi c. 5. *Utriusque substantia (naturæ) census hominem et Deum exhibuit; hinc natum, inde non natum; hinc carneum, inde spiritalem; hinc infirmum, inde præfortem; hinc morientem, inde viventem.* Quid clarius? S. AMBROS. L. 2. de Fide c. 4. (al. 9. n. 77.): *Servemus distinctionem divinitatis et carnis. Unus in utraque loquitur Dei Filius, quia in eodem utraque natura est.* Plures referunt passim alii, ut CYPRIAN. L. de Idolor. vanitate n. 11. NOVATIANUM L. de Trinit. c. 16., ac quotquot de hoc mysterio tractarunt. Cf. PETAV. de Incarn. L. 3. c. 6. et 7.

199. *Prob. IV. RATIONIBUS THEOLOGICIS:* 1º. Si est una tantummodo natura, ea vel divina, vel humana est, vel ex utraque quid compositum,

h. e. divina simul et humana, vel neutra. Si sola est divina, Christus non est homo; si humana sola, non est Deus; si neutra, nec homo est, nec Deus; si utraque simul, nec Dei est natura talis, nec hominis, et sic Christus nec consubstantialis erit Patri, nec homini.

2º. Christus in illa unica fuisse passus; ergo æque in divina, quam humana; at in divina non potuit. Ita LEPORIUS in Libell. emendat.

3º. Idem Christus dicitur Deus et homo: atqui fieri hoc non potest, nisi per unionem substantialem naturæ humanae cum persona Verbi; impossibile enim est, ut due naturæ, formaliter distinctæ, de se invicem prædientur in concreto, nisi in supposito uniantur. Cf. PETAV. loc. cit. c. 9.

200. Obj. I. Joan. 1. *Verbum caro factum est*; ergo divinitas conversa est in carnem; sicut Joan. 2. v. 9. cum dicitur, aqua vinum facta, aquæ in vinum conversio designatur.

R. N. Cons. Neque enim Verbum, juxta verba Joannis, magis conversum in carnem dici potest, quam in maledictum, ob verba Apostoli ad Gal. 3., ubi dicitur *factus pro nobis maledictum*. Et ratio est, quod vox *factum* non semper indicet conversionem, sed etiam communis loquendi modo acquisitionem, assumptionem alicujus; velut dum quis dicitur *factus rex*, sacerdos, pontifex: sensus non est, eum conversum esse in dignitatem regiam, sacerdotalem, pontificiam; sed quod hanc assumpserit. Quando vero *factum* veram conversionem designet, quando non? a subjecta materia, ac circumstantiis pendet. Hinc est disparitas ad rationem additam; aquam conversam esse in vinum circumstantiae clamant, nec etiam quid aliunde obstat, quo minus vere in vinum converti potuerit: at dicere, divinitatem converti in aliud, non patitur subjecta materia, cum talis mutualio Deo immutabili sit impossibilis: nec contextus; continuo enim subjicitur: *et habitavit in nobis*; at vero quod habitat, non est idem cum eo, quod habitat, inquit S. CHRYS. hom. 50. (al. 11. n. 2.) in Joān.; multo minus in hoc convertitur.

201. Obj. II. Ex SS. Patribus. Juxta S. ATHANASIUM in symbolo, vel quiscumque hujus auctor dicatur: *Sicut anima rationalis et caro unus est homo*; ita Deus et homo unus est Christus; qua loquendi ratione et alii subinde Patres utuntur: atqui ex anima et carne fit una natura in homine; ergo et ita ex divinitate et humanitate una fit, vel componitur natura in Christo.

R. 1º. Unio hypostatica cum plane singularis sit, et exemplo caret, a nobis explicari nequit, nisi per quædam similia: quæ tamen simul in aliis dissimilia sunt, et mysterium hoc sublimissimum nonnisi imperfecte expllicant. *Usi sunt igitur Patres*, ait RUSTICUS Disput. contr. Acephal. (Biblioth. M. PP. t. 4. part. 1ª. p. 809. D.), *hoc exemplo* (ab homine desumpto)...., *ut ostenderent unum Filium, unum Christum, unum Dominum, et ejus unam personam, substantialem*. Nam ait S. AUG. ep. 3. (al. 137. n. 11.) *sicut in unitate personæ anima unitur corpori, ut homo sit; ita in unitate personæ Deus unitur homini, ut Christus sit*. Vel ad ostendendum, quod, sicut in homine duas naturæ incompletæ existunt in una persona humana: ita ex unione naturæ humanae cum Verbo fiat, ut duas naturæ completæ existant

in una persona Verbi, licet in modo plurimum differant unionis; ut auctor Exposit. Fidei sub nomine JUSTINI editus n. 41. MAXENTIUS Libell. cont. Acephalos (Biblioth. M. PP. t. 4. part. 2ª. p. 461.) EUTHYM. Panopl. p. 2. Tit. 15.; apud eumque S. ATHANAS. ipse declarans hoc simile, et differentiam assignans: *Hic (Christus) enim non ex rebus imperfectis habet, ut sit (sic ut homo), sed perfectarum naturarum concursum ostendit in se ipso: atque illuc quidem partes hominis sunt anima et corpus*: Unde

R. 2º. D. M. Sicut anima et caro unus est homo unitate suppositi, ita Deus et homo unus est Christus. Vel: sicut anima et caro, tanquam due naturæ incompletæ, existunt in una persona humana, ita per unionem naturæ humanae cum Verbo duas naturæ completæ existunt in una persona Verbi C. Sicut anima et caro sunt una natura completa, ita ex duabus naturis in Christo facta est natura una N.

202. Inst. I. S. IRENÆUS L. 3. cap. 21. (al. 49. n. 1.), TERTULLIAN. Apol. c. 21. Incarnationem vocant mixtionem et mixturam; ergo. S. AMBROS. vero L. 4. de Sacram. c. 4. et quidam alii dicunt, quod Verbum factum sit caro, sicut panis in Eucharistia fit corpus Christi: sed hoc fit per conversionem; ergo.

R. Ad 1º. D. Vocant mixtionem stricte et proprie talem N. Per mixtionem intelligendo intimam ac substantialem naturarum unionem in persona C. Ita S. CYRILL. ALEXAND. contr. Nestorium L. 2. (opp. t. 6. part. 1ª. p. 33. A. B.), et S. AUG. epist. 2. ad Volusianum n. præc. cit. *Sicut in unitate personæ anima unitur corpori, ut homo sit: ita in unitate personæ Deus unitur homini, ut Christus sit*. In illa ergo persona mixtura est animæ et corporis; in hac mixtura est Dei et hominis; si tamen recedat auditor a consuetudine corporum, quæ solent duo liquores ita commisceri, ut neuter servet integratatem suam; quanquam et in ipsis corporibus aeri lux incorrupta misceatur. Igitur duplex distingui potest mixtio: prima, qua duo ita permiscentur, ut utrumque deperdat integratatem suam, qualis est liquorum mixtio; estque strictius dicta mixtio: altera, qua duo intime, salva tamen utriusque integritate, conjunguntur; sive subin dicitur anima misceri corpori: deque hac sola loquuntur Patres, ut amplius ex contextibus liquet, tum inde, quod naturarum in Christo differentiam post unionem diserte doceant; ut de TERTULLIANO dictum n. 198. De IRENÆO autem Lib. 3. cont. Hæret. 32. (al. 22.) quo toto capite contra eos hæreticos disputat, qui specie solum, h. e. apparterer, Christum fuisse hominem dicebant.

Ad 2º. Solum docere intendunt, quod in Eucharistia sit vere caro et sanguis Christi: sicut Verbum vere habet carnem et sanguinem; ut ex contextu patet. Cæterum quoque de mente S. AMBROSII constat ex n. 198., de S. JUSTINI, cui idem tribuitur, ex Dialogo cum Tryphone: *nam quod tu asseris, Christum... nec hominem esse, ab homine (B. Virgine) propagatum, non solum præter fidem videtur esse; sed etiam stultum*.

203. Inst. 2. At DAMASCEN. in Dialectica c. 68. Illud, inquit, scire attinet, hypostaticam unionem, unam rerum conjunctarum naturam efficere. Et JULIUS S. P. in epist. ad DIONYSIUM Corinthiorum Episcopum: *Necesse est*, inquit,

cum duas naturas dicunt, unam adorare, alteram non adorare; ac in dividam quidem baptizari, in humanam vero non baptizari; ergo.

Ad 1^{um}. N. assertum. Sed BILLIUS, qui hanc versionem adornavit, temerarie vertit naturam pro *hypostasi*, nam in greco extat ὑπόστασις, personam, non φύσιν naturam. Quin eod. cap. infra studiose probat DAMASCENUS, ex duabus naturis tertiam aliquam non posse effici; item toto Lib. de natur. compos. et L. de duab. Christi voluntatibus c. 8. n. 5. stringentibus verbis: *Quæ ex diversis naturis composita est natura, nulli earum consubstantialis est. Nam unaquæque natura simplex suam tantum habet definitionem. Composita vero aliam definitionem habet compositam. Impossibile est autem, ea, quæ diversam definitionem capiunt, ejusdem esse substantia. Igitur si Christus una est natura, quomodo consubstantialis Patri erit, ac matri? Ille enim Deus est, hæc homo. Dei autem et hominis non est una natura.*

Ad 2^{um}. R. Cum LEONTIO L. de Sectis Actione 8. (Bibl. M. PP. t. 11. p. 326. C.) epistolam illam non esse JULII, sed ab Apollinari scriptam; eo potissimum argumento, quod GREGORIUS NYSENUS in libro, quem contra Apollinarem scripsit, multa referat ex illa epistola, quæ refellit tanquam ab Apollinari dicta. Quanquam etiam permisso, inquit EULOGIUS Alexandrinus (apud PHOTIUM codice 230. p. 831. edit. Andr. Schotti, Genevæ 1612.) esse JULII, nomen naturæ pro persona sumpsit.

204. *Inst. 3.* Teste EPHRÆMIO Antiocheno apud Photium cod. 229. et S. MAXIMO, plures ex Catholicis, numerari in Christo naturas acriter prohibebant, nolabantque dici *duas numero naturas* in Christo.

R. D. Id prohibebant aliquando ex simplicitate, bonum tamen sensum intendentes. C. Quasi ipsam naturarum differentiam in Christo negarent N. Sed supposita etiam naturarum differentia, nolabant nihilominus dicere *duas numero naturas*; sed ea de causa, quam affert S. Maximus ipse in Opusculis, *quod numerus omnis aut dividendi vim habeat, aut sit divisibilis, aut divisionem introducat.* Quod illi veriti, naturas *duas post unionem* salvas esse profiteri nolabant, ne quid sectionis, vel partitionis in *Incaronationis mysterium irrepereret.* Nam *divisio* removenda est ab hoc mysterio. At in hos solide quidem Catholicos, sed pro ratione temporis parum prudentes, inventi sunt S. MAXIMUS in Opusculis, EPHRÆMUS Antiochenus, VIGILIUS S. P. aliique.

205. *Obj. III. Ex Ratione:* 1^o. Si in Christo duæ essent naturæ, duo etiam essent Christi. *Prob. seq.* Ideo in Trinitate unus est Deus, quia est unica natura; ergo a contrario, si duæ sint in Christo naturæ, duo erunt Christi. 2^o. Per unionem hypostaticam constituitur compositum theandricum in ratione novi principii operationum supernaturalium; ergo etiam in ratione novæ naturæ; natura enim dicitur a Philosopho 2. Physic. c. 1. *principium motus et quietis.*

R. *Ad 1^{um}. N. seq.* *Disparitas est*, quia concreta substantiva non multiplicantur, nisi multiplicantur simul natura et suppositum: hinc in Trinitate non multiplicatur Deus, quia non multiplicatur natura; quamvis tres personæ sint: Christus vero non multiplicatur, quia non multiplicatur suppo-

situm, etsi in eo sint naturæ duæ; hæc enim in una eademque Verbi persona subsistunt.

Ad 2^{um}. N. Cons. Ad prob. R. Non definiri a Philosopho naturam, principium motus et quietis simpliciter, sed cum addito: *eius, in quo est, primo et per se.* Unde colligitur, de ratione naturæ, prout ab Aristotele definitur, esse, ut sit pars primaria et essentialis alicujus compositi, cuiusmodi est materia et forma in compositis naturalibus. Hinc subiungit ibid.: *natura aut subjectum est, aut subjecto inest;* id autem, quod ex his compositum est, natura quidem non est, sed constat natura. Similiter igitur compositum ex duabus naturis Christi unitis in persona Verbi, non est una natura; sed constat ex diversis naturis mediate invicem unitis. Deinde operationes illæ non debentur Christo ratione alicujus naturæ, quam includit; quia sunt supra exigentiam naturæ humane: natura autem divina non unitur immediate humanitati, sed personalitas; unde debentur Christo ratione personalitatis divine. Ex hactenus disputatis

206. *Infer, et collige sequentia.* I. Illa, quæ naturis secundum se sunt propria, etiam in Christo esse duplia: 1^o. Existentia duplex. 2^o. Duplex duratio et presentia localis, increata scilicet, immensitas, et æternitas ex parte naturæ divinæ; ex parte contra naturæ humanæ creata, et finita præsentia in tempore et loco. 3^o. Duplex intellectus, divinus et humanus, duplex intellectio, scientia, voluntas, de qua Sectione sequenti, libertas. 4^o. Duplex operatio, divina, quæ Christo communis est cum Patre, et humana, quæ dicitur Theandrica. Definita hæc sunt in Conc. Constantinop. II. *Omnia duplia unius, ejusdemque Domini Salvatoris nostri J. C. secundum evangelicam traditionem asserimus; id est, duas ejus naturas prædicamus, divinam et humanam, ex quibus et in quibus etiam post admirabilem et inseparabilem unionem subsistit, et unamquamque ejus naturam proprietatem naturalem habere contemur; et habere divinam omnia, quæ divina: humanam omnia, quæ humana sunt, absque peccato.*

207. II. Quæcumque sunt in Christo propria uni naturæ secundum se, non posse tribui alteri naturæ etiam secundum se acceptæ, et præciso supposito. Unde falsæ sunt propositiones istæ: *Humanitas est Deitas; est Omnipotencia; est æterna, omnipotens, immensa, etc.* aut: *Deitas est corporea, mortalisa, composita, etc.* Cujus ratio est, quia etsi in Christo detur communicatio idiomatum, ut suo loco ex industria ostendemus; non datur tamen nisi ratione suppositi utrique naturæ communis: igitur si naturæ præscindantur ab hypostasi, inter eas hæc communicatio inveniri non poterit; quia, in illis præcisis, ipsius communicationis deficit fundamentum, quod est suppositum. Sed de his exactius suo loco.

208. III. Unionem hypostaticam, licet negemus contra Eutychianos factam esse *in unitatem naturæ*; hoc tamen non obstante, in alio et sano sensu diei potest etiam suo modo facta *in natura*, et non tantum in persona; quia non tantum personalitas divina Verbi unita fuit naturæ humane, sed etiam natura divina eidem humanitati unita fuit, licet mediate tantum, scilicet mediante Verbi personalitate, ut amplius constabit Dissert. seq.

209. IV. Etsi natura divina dici possit incarnata, scilicet in Verbo; inde tamen non inferes: etiam dici posse *passam, mortuam esse*; nam esse incarnatam, nihil importat aliud, quam esse unitam carni; at huic vere unita est, saltem mediate, mediante personalitate Verbi; nec per hoc mutationem subiit; subiisset autem, si vere dici posset *passa, mortua*, etc. Unde nec divinitas debet dici passa, ut volebant Eutychiani; nec solus homo, ut volebat Nestorius; sed Christus est passus et mortuus, non quidem secundum formam aut naturam Dei; sed secundum formam aut naturam humanam; quia actiones suppositorum sunt.

ARTICULUS III.

S. CYRILLUM ALEXANDRINUM, CIRCA NATURARUM IN CHRISTO DIFFERENTIAM,
ORTHODOXE SENSISSE, NEC FAVISSE EUTYCHIANIS OSTENDITUR.

S. CYRILLUM SUUM esse, unanimi voce prædicabant, quotquot erant Eutychianismi sectæ: illum Eutychianismi reum scriptores heterodoxi quidam recenter insimulant, ac probare conantur adductis et congestis illius ex Libris sententiis; ut operæ pretium sit, in genuinam hujus S. Patris mentem, de fide tam egregie meriti, studiose inquirere. Quare contra singulos

210. Dico. S. CYRILLUS Alexandrinus quoad dogma de duarum in Christo naturarum differentia prorsus orthodoxe sensit, omnique Eutychianismi labe ac suspicione purus est.

Prob. clarissimis S. CYRILLI sententiis: 1º. S. P. in L. 1. contra Nestorium, hujus impietatem arguens, quod *Dei genitricem* appellari B. Virginem nollet, longa oratione contendit: etsi Divinitas ipsa ortum ex Maria non acceperit, ita ut existendi ab ea initium faceret, Deum tamen Verbum, qui ante omnia secula ex æterno Patre natus est, novissime vere secundum carnem esse genitum; nitide simul utramque in Christo naturam integrum, impermixtam, inconfusam, exprimit (opp. t. 6. p. 9. E.): *Deus est revera Christus, et unus, ac solus Dei et Patris, non divisus in hominem seorsim et similiter in Deum; sed idem existens et ex Deo Patre Verbum, et ex muliere homo nostri similis.* Quibus tum naturas in Christo differentes inesse, nec tamen divisas; tum ex duabus unam non existere compositam, ut ex anima et corpore fit homo, docet; nam et manere duas naturas asserit, quæ utrique generationi respondent; et eundem Christum non minus Deum esse, quam hominem nostri similem: quod falsum esset, si una constaret ex duabus composita natura et essentia. Nam totum ab unaquaque parte reipsa differt et essentia; nec ambo inter se nomine et definitione convenientiunt. Non enim homo est anima, nec animæ definitio homini tribuitur, nec appellatio in recto, sed vel in obliquo, *habens animam*; vel denominative aut adjective, *animatus*: at Christus non solum *habens Deum*, aut *Divinus*, sed proprius Deus: similiter nec habens tantum hominem, vel humanus; sed homo dicitur.

2º. L. 2. cont. Nestor. (ibid. p. 51. D.): *Ergo unum confitere, naturas non dividens; sed ita, ut scias interim ac sentias, aliam esse carnis rationem:*

aliam divinitatis soli ipsi, Christo, convenientem. Non enim carnem ipsam Verbi divinitatem esse factam dicimus; sed divinam potius, tanquam ipsius propriam. Quibus aperte naturas duas a se invicem distinctas, sed non divinas affirmat, ac sine confusione, vel conversione unitas in compositionem unius hypostasis vel personæ; hoc enim significat vocabulum ὁ εἰς, unus. Deinde passim in libris contra Nestorium, et aliis, unum esse Christum ac Dei filium prædicat, qui sit utrumque, Deus et homo; hoc autem nullo modo convenit in unum aliquem, cuius tertia quædam natura sit, ex duabus illis, unde constat et componitur, velut partibus conflata. Sed expressus

3º. In epist. ad Nestorium, quæ incipit, *Intelligo*, approbata in Concilio Ephesino (opp. t. 5. part. 2ª. sect. 2ª. p. 23. B.): *Asserimus*, ait, *Verbum unita sibi secundum hypostasin carne animata rationali anima, inexplicabili modo hominem factum: et quamvis naturæ sint diversæ, vera tamen unione coeuntur, unum nobis Christum et filium efficerunt: non quod naturarum differentia propter unionem sublata sit; verum quod divinitas et humanitas secreta quadam ineffabilique conjunctione in una persona unum nobis Jesum Christum et filium constituerint.* Et

4º. In epist. ad Joannem Antiochenum, fidem suam uberioris, accuratius que declarans CYRILLUS (ibid. p. 107. C.): *Deum, inquit, immutabilem, et qui alter fieri non potest natura sua, factum hominis filium, unum deinceps intelligi cum carne propria, et e cœlo dici descendisse. Sed et hominem appellari de cœlo; qui perfectus in divinitate: et idem in humanitate sit perfectus, et in una intelligatur esse persona. Unus est enim Dominus Jesus Christus; tametsi non sit ignota naturarum differentia.* Hæc, inquam, CYRILLUS in ea epistola, que in Chalcedonensi Synodo præsertim approbata est, et in fidei regulam adscita: et quoniام ab Orientalibus recepta est, ac velut conciliatrix quædam fuit pacis et concordiae, tanto majorem auctoritatem habet, et ex ea mens S. CYRILLI clarius et certius cognoscitur.

His allatis similia plane in aliis Cyrilli scriptis occurunt; in Commonitorio ad Eulogium (ibid. p. 133. A.), ubi dicit, errare Nestorium, non dicendo duas naturas, sed earum negando unionem substantialem. In ep. ad Valerianum (ib. p. 160.) et in duabus ad Successum epistolis.

Conf. S. CYRILLUS cum JOANNE ANTIOCHENO, et Orientalibus in eamdem convenit expositionem fidei, quam ab illis oblatam admisit, et contra ejus obtrectatores defendit; at Orientales nullo modo suspecti unquam erant de Eutychianismo, quin, ut dictum, aliquando ante pacem, CYRILLUM suspectum habebant, quod naturam humanam non perfectam cum Apollinari ipsis videretur adstruere in Christo, ut constat ex Sect. præc.; ergo dum eamdem cum Orientalibus expositionem fidei est amplexus et professus, satis et luculenter ab omni se Eutychianismi suspicione purgavit.

211. Obj. I. S. CYRILLUS in ep. 1. ad Successum scribit (opp. t. 6. part. 2ª. sect. 2ª. p. 137. D.): *Post unionem naturas, alteram ab altera, non dividimus; neque in duos filios unum illum imparibilemque secamus; sed unum asserimus filium, ut et SS. Patres dicerunt, unam naturam Dei Verbi incarnatam; ergo post unionem non nisi unicam in Christo naturam*